

皇清文穎續編

皇清文穎續編卷八十六

詩

七言律詩

奉

勅題趙孟堅落水蘭亭

劉塘

幾人傳寶冠唐摹換骨求丹問有無付與王孫參水
月好從內史解衣珠沿溪一權塵還淨入寺微熏色
更腴呵護到今歸

藻鑑清流宛在惠風俱

一夕晴虹飲雪川墨林揚摧幾經年辨真不待黃銀
押寫妙還期綠玉鐫八柱昔標疑地涌七言今煥慶
星聯融將陳迹重欣賞海印光涵會儼然

應

制詠宣和梁苑雕龍研

金士松

宸題寓物卽垂箴樹義宏深見道心石不能言堪古
鑑龍之爲象在君臨潛藩梁苑文章客御宇宣和翰

聖林一白

聖人鐫戒語摩挲片研重兼金

應

制恭詠玲峯

曹文壇

寶晉曾餘海嶽癖勺園猶記大房珍誰知芝岫披沙
得更有雲根擢秀新名借攝山

天肇錫光依

藜閣地尤親後先等是遭逢幸拂拭居然出暗塵

歛竒厯落不凡材冉冉雲容廿尺堆豈是百夫能輦
致却疑一鷲忽飛來穿將月色重重徹綴得苔花面
面開啜彼壺中九華小東坡問訊幾徘徊

玉玲瓏與小玲瓏久入

文軒造化工靈石巧將雙美合竒峯湧出百層空煙
開金洞淺深啟地縮茅山高下通不假五丁神力鑿
天然竅窳復龍嵒

書藏二酉古稱之位置

文源閣下宜每滴露於和墨處不生雲亦盪骨時百
千萬貯寶函富八十一輪層穴奇蘊采含輝

香案側怡

情還作硯山披

恭和

御製新春試筆元韻

陳邦彥

火樹千枝競吐芽祥風暗拂五雲車寒梅先送天邊
信暖硯新開筆上花

鳳詔裁時甘似雨墨華鮮處簇成霞瓊林無限春光
好靜聽簷前鵲語譁

恭和

御製落花詩疊舊作落葉詩元韻

張廷玉

花開何意落何由一刹那間見去留萬片紅飄幽徑
遍三分春逐逝川流粉痕點處憐齊女金縷歌成怨
杜秋已作四禪天上侶毘藍風起不關愁

影颺牆頭簌簌紅朝來春色漸成空悠揚尙自依芳

草飄轉何堪比斷蓬人孰無情三月暮樹猶如此五
更風可知物候推遷準不在江城玉笛中

養花天氣惜花心忍看階除積漸深乳燕鳴鳩春寂
寂迴廊小徑晝陰陰每從禪榻依稀見一任漁舟自
在尋試向繁華叅解脫山薌曲是海潮音

已離言說證文殊丈室天花總不須何遜鏡中真亦
幻江淹筆底有還無長隄慣逐紅鴛馬老樹空啼白
項烏自是仙葩多智慧明年依舊返根株

紛紛藉藉柰渠何
茆屋疎籬掃更多
石上沾來經駮
雨塘均聚處見迴波
縱無濃艷輝新圃
猶有餘香染舊柯
落後重開開又落
好將塵劫喻觀河

豈獨飄零是凜秋
遊絲白日總堪愁
臨粧不上堆鴉髻
貼水常隨放鶴舟
子結他年曾憶杜
詩題前度尙

傳劉

天章點破拈花案
起滅分明大海漚

恭和

御製落花詩疊舊作落葉詩元韻

德保

消長從來信有由，殘紅底用故枝留。
天台路杳春常在，闔苑風和水自流。
過眼韶光當一月，回頭風景渺三秋。
分明開謝年年事，脈脈含情蝶浪愁。

粉墜香銷失小紅，繽紛歛見舞晴空。
飄來欲點元卿徑，望去渾迷仲蔚蓬。
天上慣多三月雨，人間何恨五更風。
榮枯物理應如此，大化同歸橐籥中。

輕紅淡紫颺階心，芳徑參差望轉深。
日色漸分子樹

影春光初散一牆陰蜂牽故藥循芳度雀啣空林匝
地尋正是江城新弄笛不妨飄蕩有知音

開時寧與落時殊苦惜芳菲却不須漢佩能招仙子
未香魂得化浴神無月明墜朶驚棲蝶風動疎枝亂
曉烏褪盡殘芳新蔭茁何曾改却舊根株

狼藉殘英竟若何霏霏偏向夕陽多杜鵑啼處沾紅
雨社燕銜來蘸綠波只爲秋成貪結子故教春色暫
離柯分明羯鼓頻催日曾共楊稊映玉河

一蹊桃李未成秋，小院深深動暮愁。
金谷園空憐墮珥，武陵人去繫虛舟。
湖中踐約空懷杜，觀裏尋春莫問劉。
多少逸情頻悵望，等閒飄泊逐浮漚。

恭和

御製出古北口元韻

德保

扇鑰天開鎮北遼，奇峰聳翠勢凌霄。
地連榆塞關河壯，草偃秋風雉兔驕。
漢代邊防亭障險

清時士馬角弓調

六龍巡狩乘農隙繩武於今仰

聖堯

恭和

御製上都懷古元韻

陳世倌

一代雄圖併宋遼故都風景未全銷仗前桐酒歌聲
起殿上迎涼燭燼消荒堞只今餘舊蹟薜碑無復記
前朝萬年長此邀

鑿輅燕饗從容賦蓼蕭

恭和

御製上都懷古元韻

錢陳羣

左帶灤河右拂遼上京景物幾沉銷槍竿草白鴻聲
度碣石風高蜃氣消毳帳屠蘇催夜宴教坊法曲奏
春朝卽今四海爲家日偶一登臨詠緯蕭

瀛臺侍宴恭和

御製元韻

鄧鍾岳

禁苑鏘鏘集玉珂秋光恰喜迓天和五絃早譜南薰

曲九野咸登北里禾

丹詔溫隨甘露降
霓旌高拂慶雲過

微臣

稽拜歡何

極敬捧

宸章願載歌

彤廷雨露

溫恩稠許看蓬池
瑞靄浮樓接紫微
宜眺遠波涵太液
好臨流凌霄鸞
翮依瓊樹在藻魚
鱗戲彩舟讌賞
忝從卿貳後榮光
何幸照當頭

清歌鑿戛舞便娟香裊金爐雜曉煙法醞芳馨流玉
牽天厨珍錯饌華筵柏梁舊事今還勝周鑄遺音可
並傳况是西成南呂叶應如烝飲樂豐年

曲江宴徹更停留寵渥羣工足慶酬

賜賚頻加由內府登臨不厭在高秋瓊樓軒翥猶開
戶珠箔輕明未放鈎此日

恩波沾草木微情還自戀芳洲

瀛臺侍宴恭和

御製元韻

陸宗楷

錫宴

瀛臺集玉珂迎

鑾天樂奏雲和晴光萬里堯階日樂歲三秋禹甸禾
法

祖璋筵今又啟敦宗袞繡昨先過呼嵩抃舞承
恩賜釀自豐年擊壤歌

法酒臨軒禮數稠別開水殿桂香浮瑤峯疊翠千層

爽玉澗垂虹百道流陪從在豐還在鎬拜颺爲礪復
爲舟自來魚水誇遭遇勝把珊竿碧海頭

蓼蕭仙露尙娟娟山擁雲霞柳帶烟喜奉

宸遊來上苑欣瞻

御藻播芳筵

揮毫共仰聯翩就授簡仍教次第傳漫道卷阿稱盛事
天章應冠萬斯年

從容宴賞許遲留

德意頻宣仰莫酬補助豫遊民似夏艱難稼穡歲逢
秋

賜來綉帙連雲錦捧近珠簾映玉鈎汪濊萬方咸沐
浴

恩波無際起芳洲

瀛臺侍宴恭和

御製元韻

朱佩蓮

秋澄太液映朝珂隨

輦登臺共飲和月散香巖方拾桂雲鋪黃隴恰收禾
蓬萊漢殿凌波起萼莆堯厨載酒過棗筆從容陪醕
宴半空縹緲下鸞歌

望裏瓊華島樹稠參差臺殿碧空浮橋連寶月波心
偃水接銀河檻外流

翠葆於今呼鳳蹕

玉衣曾此泛龍舟羹牆餘慕重回顧一朵

慈雲護渡頭

露洗秋花色淨媚玩芳身惹

御爐煙魚吹縹緲偏依座鳥弄笙簧故繞筵鰲島疑
從天外駕霓裳不羨月中傳分明重食蓬池膾又見
蟠桃大昔年

西風下雁碧池留沐浴

恩波未一酬酌醴不移心似水凝霜自愧筆非秋回
看到處霞成綺還憶來時月上鉤何幸登仙頻醉

德隔年曾侍宴瀛洲

東壁纔鳴白玉珂又從

西苑賞時和

親桑館外蛾飛葉

觀稼亭前鳥啄禾日馭

鸞輿天半出波涵

鳳舫鏡中過白雲汾水非同調閒數來鴻自作歌

迎

鑿水檻綵裙稠鏡殿低昂日夜浮莎覆湖嵌螺黛點

泉分石罅玉虹流歡呼吸酒荷花蓋絕叫叉魚柳葉
舟別有承

恩欣躍處侍臣飛漿進詞頭

曉看纖月靜娟娟影入疎楊一片煙儘許中流插畫
舫不妨花裏坐瑤筵山當秋爽搯頤看語聽春溫

口勅傳竟日從容寬禮數非常

恩遇比逢年

遙憶春前聽栗留上林枝上互賡酬欣逢露浥清霄

日應轉霜寒碧樹秋紅蓼花中飛玉螻白蘋風裏漾
金鈎曾經天際遊三島歸向人間說十洲

恭和

御製九日漫賦元韻

張若澄

橫空寶雉遠隨陽催送千林木葉黃氣轉清商來朔
吹山呈丹碧寫晴光萸囊紉佩蟬綃簿菊圃餐香蝶
陣忙羽衛無聲秋野蕭流雲紫閣暮蒼蒼

鳳城砧杵動新寒佳節應從物外看驚隼入雲盤淨

宇遊鱗潛影落澄湍稻梁近喜三秋稔壺榼爭謀一
日歡偕樂誰知

咨傲切

宸居襟抱海天寬

恭和

御製大學士傅恒經畧西川效忠宣力誅巨魁破堅
壘申明紀律大振軍威番酋窮感乞命經畧大學
士銳意蕩平未允其請朕宏解網之仁下詔班師

召大學士還朝襄贊勞績茂著詩以賜之元韻

張若澄

台衡秉鉞仗純忠因壘勳高小醜窮千里雷霆方掃
穴

九霄雨露已蘇蒙銅梁納賚來王會金鼎調羹侍

帝宮威德遐宣聲教遠

天書鄭重獎元功

阿閣迢迢鳳返巢

君恩如海量同包十行

詔下魁三象五等庸酬蹇二爻魚復陣還巴水淨燕
然銘勒蜀山頤丹青不用圖弓劍會見春風委佩交

恭和

御製攬勝軒元韻

胡寶琮

祇園傑構據層巔線路遙通鳥道連俯視山河盤大
地直探星宿厯諸天林開遠瀑吳門練晴列遙峯太
華蓮一自品題經

睿藻荆關如覩畫圖全

恭和

御製九月朔日行圍迴蹕避暑山莊之作元韻

蔣溥

雁塞秋容接上蘭獮回

御苑憩金鞍千林日暖垣相繚一徑雲深谷自盤迎
輦亭臺天際聳納禾父老道旁看年豐歡說重陽近
點點烟霏豁遠巒

水殿瓊龍啟八牕會心不遠聽
淙淙籬花已綻黃無
數沙鳥還飛翠一雙扶得筍輿停
晚岫喚將蘭棹劃
清江正饒好景須賡詠捧讀

宸章氣早降

恭和

御製總督策楞奏報川省豐收
旣用欣然并成是詩
示之元韻

董邦達

秋來九野盡豐年還報京坻遍
兩川雪嶺春回鄒子

律蜀江風被舜廷絃定多夔女沽筒酒豈有巴人訟
芋田絕徼苗民俱食德

聖恩何處不遐宣

恭和

御製總督策楞奏報川省豐收旣用欣然并成是詩

示之元韻

裘曰修

軍門奏至報豐年一水東西合兩川玉壘風雲朝放
馬錦城歌誦夜聞絃江船楸載巴中米夔女刀耕隴

上田寄語長官勤撫字

御詩題處好傳宣

恭和

御製大學士勤宣伯張廷玉屢以年至乞休慰留未
允近見其齒躋大耋精力視前較減優旨予告俟
開春冰泮登舟賜詩三章以示眷注元韻

嵇璜

趨

紫常年聽小車和羹

帝謂爾修子

三朝名德欽班列再世

光榮賁里閭蓴菜秋風縈夢久桃花春水挂帆初更
拆

天藻輝行色賀監開元豈足書

存慰頻煩

詔使過丹衷感激肯消磨引年自惜桑榆晚求舊寧

同鼎鼐多出處初終仍素節去留遲速總

慰波低徊此際情無限綠野黃扉較若何

世羨韋平德久宣龍眠山色故依然欣看庭下添槐

蔭笑指廳前僅馬旋南國耆英風雅續東門祖道畫

圖先他時迎

輦多新什不賦嵩陽有舊田

恭和

御製大學士勤宣伯張廷玉屢以年至乞休慰留未

允近見其齒躋大臺精力視前較減優旨予告俟
聞春冰泮登舟賜詩三章以示眷注元韻

錢維城

彤闈廿載整朝車

殊眷聞稱帝賚予論道夙資調鼎彙引年

特許返鄉閭歐公別錄歸田後白老新銜退傳初山
色龍眠春正碧好探勾漏洞中書

梅花賦就臘纔過一水津門似鏡磨書畫米家船始

放耆英洛社會應多東山絲管調春晝南浦煙雲漾
曉波吳下詞臣正晞髮同堂高宴興如何

餞詩

御筆與傳宣

天語殷勤豈偶然往事低徊都惜別新春迢遞莫輕
旋午橋遊釣還依舊子舍趨承會繼先鳩杖重來會
有

詔十年暫卧采芝田

恭和

御製瓊廬元韻

張若澄

面水依山處處宜
平原止頓日教移
重城圓似天垂
杳萬帳環如星拱之

勤政閒簾春到早
繙書捲幔月窺遲

聖朝

家法惟崇儉宮室
由來不忘卑

恭和

御製再題殊像寺元韻

涂逢震

布金西竺有名園說法由來象教尊
世外棲身原脫俗個中入妙更無言
風濤半夜聞松嶺月影流天透

竹軒

至聖心源超色相一時目擊道真存

恭和

御製瞻禮菩薩頂有作元韻

涂逢震

五頂巉巖到翠峰中開佛地仰真容
時當暖景春方

半山鎖寒飈雪尙濃法教從來聞正果文殊此地覓
芳蹤煙飛霧靄無常態遙聽聲聲早暮鐘

恭和

御製曉行卽景元韻

觀保

泥塵雨過柳吹晴行盡山程漸水程隔澗雞鳴村斷
續銜泥燕掠岸縱橫嵐光半雜炊煙濕野色遙添草
露明丁字畦頭農趁早倚鋤紛看六驄行

恭和

御製過泰山恭依

皇祖詩韻元韻

于敏中

鑿輅重經丹嶂下
雲巢回望紫霄頭
曠隴海日三竿
上縹緲齊煙九點浮
列鎮奎婁雄北戒
接天星斗見南州
崆峒

軒馭曾過此寶隔摩訶爲暫留

凌虛仙籟傳松頂
膚寸封雲傍馬頭
樓觀金銀佳氣
合旌幢日月景光浮
天門詠蕩開雙闕
山勢崢嶸壓

九州春省爲紆南國望岱峯雖好未遑留

恭和

御製平山堂元韻

莊有恭

四面春風不覺寒曠如天半得遐觀蜀西脈絡遙通
地淮左江山直到欄千載風流傳太守六朝人物笑
偏安何如此日留

仙蹕歲稔時和奉

聖歡

恭和

御製渡江駐蹕金山元韻

錢陳羣

省方循典裕民寧

禹迹當年此重經

畢罕臨流好風日江山如畫擁聲靈東瞻海口雙峯
碧南指姑蘇一髮青落日斷霞迴照處龍吟潭底靜
中聽

恭和

御製江寧駐蹕恭依

皇祖詩韻元韻

錢陳羣

金陵遺俗動

皇誠虎踞江山恰豫遊
六代人文繩武振百年
民瘼憲天求萬花都入
春原覽七校還因夏
諺留

大孝承

歡南雅在江沱親見
被懷柔

恭和

御製謁岱廟元韻

錢陳羣

時巡八表頌咸登岱廟重瞻告允升九獻尊彝

天子拜半旗風雨上神憑殿標鐵鳳雲霞古樹老霜
鱗歲月增曾是金泥封禪地三年宵旰思難勝

恭和

御製天成寺元韻

鄒一桂

天濱垂虹飛作泉更留磐石坐人便平迤遠岫千螺
黛矗立孤峯一指禪塵伏自來經座側鶴馴時下飯

鐘前是非色相誰能辨繞澗山花爛欲然

恭和

御製聞淮南得雨元韻

勵宗萬

千里封題達

御函淮陽新沐及時甘

天顏有喜真容萬

帝德無私本奉三比戶可封心始慰一夫不獲

聖猶慙誰知毳幄停驂處課問時周朔與南

恭和

御製釋奠

先師孔子元韻

于敏中

禮隆釋奠道常尊

法駕星陳騎電奔

帝溯景行從闕里人同觀聽溢橋門豐碑彩映岐陽
鼓

至治馨升魯廟罇更仰

元音集金玉辟雍頌美軼於論

恭和

御製半天樓元韻

董邦達

千疊峯巒萬仞巔穹樓又見倚遙天
迴看青靄橫窻裏平接朱霞落檻前
雪壁自來雲共潔風篁還與月同娟
欣聞

麗藻層霄下太古笙鏞象外傳

恭和

御製半天樓元韻

涂逢震

羽仗遙迎最上巔山腰高已近青天川原歷歷晴雲
外樓閣重重夕照前嵐氣縈風春浩渺竹光團露夜
嫵媚山靈晉祝同京洛知有嵩呼盛事傳

恭和

御製至避暑山莊日都爾伯特台吉車楞等接見元
韻

涂逢震

羽衛高張

黃屋車遠臣夾道奉犀渠身依雨露方寧爾望切雲
霓獨後予周室梯航來越雉唐宮服色

賜緋魚萬邦屏翰真無外

君子於今頌樂胥

恭和

御製清舒山館元韻

張泰開

清舒山館傍山陔消夏無如此地宜風動簾衣涼作
陣波翻藻影翠成絲新荷露重香聞遠晚樹雲深月

到遲茂對因時多樂意天機還向靜中窺

恭和

御製涼元韻

蔣溥

塞外驟寒生雨後西風吹雪荻花明雲開谷口初增
爽霞抹山腰乍放晴曉露只疑嵐氣重秋陽頗覺袂
衣輕邊疆寒煥分晨夕結束隨時也稱情

恭和

御製蒙古土風雜詠十二首元韻

錢汝誠

乳筍

用比鴟夷號子皮居然瓶水注無遺將來絕勝操觚
際桐處真成獨漉時持獻壺漿流玉漉挂攜蕃部傍
金羈疑酥結乳終年計元酒風淳俗未移

荒田

疇司疆理疇分井幾稜沿岡倚作田自有溪流能沃
地也同磧草任粘天牛羊影散寒畦外敕勒風高晚
穫前量雨課晴都未解坐收成熟匪今然

鄂博

但使心如石不磷祈禳隨處格明神路旁木可題居
土江上舟曾祝丈人樹表疊山風尙古留旌懸帛意
還申荒靈詎識沉埋禮鑿此權輿七月幽

草囊

行笈何須付酪奴綉裝利涉一囊俱數升不是盛丹
氣三宿寧關戀盃孟詫彼中雷呼力士笑將便腹陋
諸儒緘膝攜挾資遊牧皮相兼容百億軀

柴車

駕來老犢行山便不必車工聚獨多驅谷嘔呀輪沒
草濂泥歷落轄翻河短轅那更輕揮塵薄笨猶堪穩
勝駝鹽帳宵寒初夢醒誰操柔櫓月明過

骨占

幾聞九箬卜惟羊神諭偏憑炙骨揚濺濺漸看焦圻
兆庚庚徐驗墨呈祥瓦占巫語傳荆俗鏡聽春詞祝
女郎別有牛蹄與雞骨觀爻義並測歸藏

馬竿

耿耿房星朗玉繩
龍駒出水氣驍騰
未閑六轡難生控
先繫長竿要擅能
綺讌掣來從戲舞
錦羣空處挾憑陵
疑他漢使當年節
落盡旄旄尙可稱

兒版

於菟繡祿最堪憐
束板何緣縛兩肩
倚並柔弧非負射
寢疑床篔轉拘拳
瓊廬鵠立階前玉
駝背繩牽臂上錢
襪翻應啞契塔試
啼疴癢意常懸

灰簡

編葦作簡著文言竹帛遺風溯本元塗寫新篇欣有
屬刪除舊稿惜無存印來絕類鴻飛雪削去寧教鳳
署門汗牘可能窺體勢

國書兼譯細評論

竹筆

豈必含毫試一揮竹頭創製未殊歸箭抽霜幹粗成
拂筠淨松煙略染衣漫笑中書老而禿強名湘管是

耶非滿山寒兔空餘穎草沒秋原掠地飛

口琴

孤絃獨奏自噓吹名借號鐘製改爲匠斲翻合成以
冶肉聲端的勝於絲雙鉗納氣宮商叶一指調音喉
舌知馬上琵琶千載恨又添新曲譜閱氏

轉經

無名字處本無文輪轉人天盡悅欣未要珊瑚留舌
相誰云迦葉在音聞擲過掌上恒沙界幻出空中大

地垠自悟圓通如意後魚山清楚枉辛勤

恭和

御製行圍卽事三首元韻

將溥

馬頭歡忭拜呼韓鵝鶴軍容隔嶺看鳥道峯攢環騎
影林梢風動展旄竿九秋廣野寒雲肅八月深山落
葉乾正遇行圍好時節朝來衛士喜傳餐

蘭皋駐馬暫徘徊野色天空入望來摯羽飛揚旋脫
臂俊盧神速盡重鉤周詩甫草三驅備漢賦長楊七

萃開預識封章飛驛近羽林迎捧候

親裁

景開圖畫萬山青界海爲疆數勝形較獵馳驅爭效
命遠藩絡驛總來庭

天弧中節驚

神武物產呈神據地靈他藉歸鞍頻數獲割鮮先自
奉

慈寧

恭和

御製行圍卽事三首元韻

劉綸

巨澗雄風表弁韓天開

文園畫圖看宵鋪錦騎雲雙匝曉擁

黃旗日一竿霹靂弓鳴霜氣勁蹕蹕獸竄葉聲乾
停鑣每進中樞贖郵甌爭教滯授餐

圍邊勝蹟重徘徊

列祖頻經肄武來上將征途歌鹿瞳材官驅野賦盧

鉞三畝此地川原壯

九伐當年壁壘開侍從何緣陳羽獵

聖文披牒擅閔裁

天山一桁遠排青蹴部聲環儼陣形日獲黃熊無置
館時羅白雉亦充庭

兩都土挾風雲氣陸海材呈草木靈信是獻豸邠俗
古豫遊長共樂清寧

恭和

御製行圍卽事三首元韻

錢汝誠

何須嘖嘖樂徵韓

盛典車攻此再看
虎旅三千環設騎
龍驤十萬擁旌竿
雲移曲隊山皆拱
霜斂寒原葉半乾
預奏獵場知遠近
期門踴躍授朝餐

絃中徽泚蹇徘徊
琬羽驚從

天上來蒼隼
奚煩除翠帽
神廬不待引金鉞
陸聯八鎮魚麗整
勢挾三驅虎路開
衛士一時齊
斂手射熊

獲鹿仰

親裁

巖屏樹幄總丹青
歷磧緣坡各麗形
遺烈山川追

祖制名藩橐鞬屬
王庭虞官旌
罕天垂象
周圍葭蓬
地效靈
亭午看城圍
漸合吾

皇神武慰

慈寧

恭和

御製吉林土風雜咏十二首元韻 蔣溥

威呼

臨河利濟法前經便捷真如一葉輕過水直同浮鉢
渡入山也可御風行不煩櫓奏伊吾響疑有歌傳欸
乃聲天漢靈槎應彷彿野航寧羨杜陵生

呼蘭

傍簷高引新炊便表宅居然比戶均剗木畧教程匠
氏通烟乃可濟庖人綢繆預辦荆筐覆隙穴何愁雨

雪頻一氣天窗呼吸近疎材漫比棟梁身

法喇

軒車相較未容過載物由來利用多積雪不知程遠
近層冰那畏嶺嗟峨快同駕馬尤無敵動只牽繩未
患蹉若擬遼東高士榻底平無足穩如何

斐闌

底事弓弧飾采絲風傳肅慎試稽之穿楊貫的原從
俗蒿矢榆弓詎襲爲藝圃優游功作聖幼儀嬉戲習

於兒一從入貢餘干禊志鵠鈎弦善設施

賽斐

古制非同以意爲較他雙箸劇相宜和羹席畔隨調
鼎進食當筵足養頤樽俎漫拘鮮入饌稻糧絕勝雪
流匙豆間飲食思先制一準前民創造時

額林

紛綸器用代充廚度板楣間物物俱但使求材藏瓦
甌不容博古貯山觚屋中一任穿墉鼠庭際空來攫

肉烏不必更教安几席居家隨處是良圖

施函

繩墨何曾中散材
因材成器自恢恢
一盂漫詡青精飯
五斗堪容白玉醅
獨木斲來良可取
新泉汲得便攜迴
截筒運甕殊勞逸
人力無多此厚培

拉哈

幽俗相傳詠索綯
田家勤動不知勞
無忘牖戶網繆
預好令牆垣結構
牢作室暨茨行
有待窺簷雀鼠
免

相遭秋風老屋年年計光映清輝日影高

霞縐

別爲新樣搗糠塗四壁餘明是所需夜亮漫疑來自
木引光元只號爲奴燄生穗後微凝碧煙作雲時半
帶烏照室何曾燃絳蠟始知勤儉土風殊

豁山

巧製休誇五色箋但堪濡染亦云便臨流搗淨光仍
澤向日勻來質本堅繭紙遺風追晉代溪藤新樣學

前賢雨侵蠹蝕都無慮此法應知世少傳

羅丹

相呼不以雉盧稱微意原從五木興博采有時成小
負圍觀儼已喜全勝擊空見巧投圓石競遠爭先蹴
厚冰一室圍藥呈戲處楸枰落子謾誇能

周斐

樺木無需僅取皮墁牆陶瓦又何爲經營成得田間
宅移置輕於局上碁燥濕不時咸有蔽暖寒隨處往

攸宜幽岐式廓規模在不譜風詩那得知

恭和

御製吉林土風雜詠十二首元韻

錢汝誠

威呼

杭之一葦疏葩經未必輕刀似此輕恰受二三人渡
去獨操左右槳能行略同漁子浮煙楫不學篙師弄
水聲比作松花江上月兩頭纖處影初生

呼蘭

千家植木依簷際曲突通觚義或均直節虛中疑竹
友煙黔雨黑認楓人未須柱礎規模壯大類巢居補
葺頻噓氣因風霄漢近豈同茅屋寄閒身

法喇

北陸寒凝便引過非輪非楫濟偏多淺深犁砑輕脂
滑上下牀聯積雪栽人在鏡中低可鑿槎移天際穩
無蹉只今太液泉初涸小坐平拖景若何

斐闡

榆截新枝柳刺絲美哉藝事始基之控弦欲繼懸弧
志操弣奚譏佩鞞爲越國麻寧遺小子晉人竹匪創
家兒何如嬉戲猶觀德楛矢休風想設施

養菱

棘匕猶傳古制爲簋殮鼎實用都宜嚙羹藉免貪殺
裁借箸無煩挂頰頤漫詡酒漿同挹斗直令玉雪自
翻匙三秋幽館纔嘗稻又是烹羔介壽時

額林

無多家具半登厨
度板兼能百物俱
仙客緘留天上
器大夫閣有豆
間觚謹藏篋篋
承陽馬珍貯杯
捲重屋烏過臘
掃除還檢點當
門鬱壘對新圖

施函

由來般爾只因材
剝木令空量已恢
可代連筒攜遠
汲用兼滿甕貯
新醅渾淪底藉
三緘束醞釀常
盈一氣迴人巧
未施天質勝
溝中樗散得
扶培

拉哈

也似牽蘿與索綯，綯繆牖戶敢辭勞。既茨綴葺功非
易，圻飾緣施制乃牢。可笑衣牆徒踵事，邛容畫墁得
相遭。辛勤塗抹須堅緻，秋早寒生朔吹高。

霞縐

牀中直幹傳脂塗，糠可爲燈照夜需。饒有餘光分映
壁，何曾見跋遣嗔奴。簸揚列炬薪成蠟，曰杵融膏玉
抵烏。擣蓼燃藜應略似，俗傳司烜記無殊。

豁山

那復重栽十樣箋
擣來苧絮曝尤便
東門池自漚麻
可西寺花疑插地
堅布網取材存古
質巾絲會意本
前賢蔡侯製豈能
勝此留寫幽風與
共傳

羅丹

蹋鞠猶聞俗可稱
戲陳鹿腕制誰興
六棋筭露殊勞
筭五白檮蒲詎較
勝座上團欒呈博
局隍中想像蹴
溪冰輪贏倚角渾
閒事敢詡按莎一
擲能

周斐

樺木程材制取皮於茲築室亦堪爲約之閣閣疑聯
蕪削屢馮馮訝聽基餘屑尙供燃燭用剩枝且覺飾
弓宜竹苞松茂還移頌風雨吾廬總不知